



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

1. **Qaffasissumik ilinniarneqartariaqartuni nunarput tamaat isigalugu atorfiit sorpiaat nunaqavissunik inuttalerneqarnissaannut qanorlu amerlatigisut amigaataanersut Naalakkersuisunit takussutissanngorlugit nalunaarsugaatigineqarnerluni?**
2. **Taakkunungalu atorfinnut qaffasinnerusunut amigaataasunut nunaqavissut ilinniarusussuseqarnerulernissaannut amerlisarnissaannullu Naalakkersuisut suliniutissanik takorlugaqarnerlutik?**

(Inatsisartuni ilaasortaqaq Malik Berthelsen, Siumut)

Tungavilersuut:

Eqqoriakannereersinnaagaluarparput nunatsinni qaffasissumik ilinniarneqartariaqartuni atorfiit sorlerpiaat amigaataannerpaanersut.

Taamaakkaluortoq isumaqarpunga inatsisilerituut, naatsorsuuserisut, aningaasarsiornermik immikkut ilinniagartuut assigisaalu qaffasissumik ilinniarneqartartut qanoq amerlatigisut nunatsinni nunaqavissut atorfissaqartikkivut takussutissanngorlugit pigisariaqarivut.

Takussutissaqartitsinikkut isumaqarama inuusuttortagut atorfinnut tamakkununga inuttaliinissamut amigaatigisatsinnut immikkut annertusisamik paasititsiniaavigisariaqarivut uku ukulu ima amerlatigisut nunatsinni amigaatigaavut.

Oqaatsitta annertunerusumik sumi tamaani atorneqalernissaat kissaatigineqaraluttuinnartillugu pinngitsoorsinnaanngilarput inuusuttortatta atorfinnut qaffasinnerusunut ilinniagaqalartartut amerlisarnissaannut suliniuteqassalluta.

Ilisimavarput nunatsinniit suliffeqarfiit arlallit, Qallunaat Nunaanni ilinniartuutitsinnut aammalumi nunatsinni ilinniarfinnut ukiut tamaasa saqqummiiartortartut, taamaattumik tamakkua pinngitsooratik arlaatigut kisitsisaateqassapput politikimi sulinitanni atorfissaqartissinnaasatsinnik immaqa piniarfigineqarsinnaasunik.

Iluassagaluaqaaq atorfinni amigaataanerpaasuni taakkartugassassinni ullumikkut nunatsinniit taakkununga qanoq amerlatigisut ilinniakkaminnik ingerlatsinersut ilisimatitsissutigisinnaagussiuk.